

漢至隋

八代詩選十八

郊廟樂章及頌德樂詞一卷

長沙湘潭王閏運撰

漢司馬相如等

郊祀歌十九首

練時日。候有望。炳管蕭。延四方。九重開。靈之游。垂惠恩。鴻祐休。靈之車。結元雲。駕飛龍。羽旄紛。靈之下。若風馬。左蒼龍。右白虎。靈之來。神哉沛。先以雨。殷裔裔。靈之至。慶陰陰。相放怫。震澹心。靈已坐。五音飭。虞至旦。永靈億。牲繭栗。粢盛香。尊桂酒。賓八鄉。靈安留。吟青黃。徧觀此。眇瑤堂。衆嫔竝。綽奇麗。顏如荼。兆逐靡。被華文。則霧縠。曳阿錫。佩珠玉。俠嘉夜。蒞蘭芳。澹容與。獻嘉觴。練時日。

帝臨中壇。四方承宇。繩繩意變。備得其所。清和六合。制數以五。海內安寧。興文偃武。后土富媪。昭明三光。穆穆優游。嘉服上黃。帝臨青陽。開動根荄。以遂膏潤。并愛跂行。畢逮霆聲。發榮蠟處。頃聽枯槁。復產迺成。厥命衆庶。熙熙施及妖胎。群生湛湛。惟春之祺。青陽朱明。盛長夷與萬物。桐生茂豫。靡有所詘。敷華就實。既阜既昌。登成甫田。百鬼迪嘗。廣大建祀。肅雖不忘。神若宥之。傳世無疆。朱明

西顥沆碣。秋氣肅殺。含秀垂顥。續舊不廢。姦偽不萌。妖孽伏息。隅辟越遠。四貉咸服。既畏茲威。惟慕純德。附而不驕。正心翊翊。西顥

元冥陵陰。蟄虫蓋藏。草木零落。抵冬降霜。易亂除邪。革正異俗。兆民反本。抱素懷樸。條理信義。望禮五岳。藉歛之時。掩收嘉穀。元冥

惟泰元尊。媪神蕃釐。經緯天地。作成四時。精建日月。星辰度理。陰陽五行。周而復始。雲風雷電。降甘露雨。百姓蕃滋。咸循厥緒。繼統共勤。順皇之德。鸞路龍鱗。罔不肝飾。嘉邊列陳。庶幾宴享。滅除凶災。烈驕八荒。鐘鼓竽笙。雲舞翔翔。招搖靈旗。九夷賓將。

惟泰元

天地竝況。惟予有慕。爰熙紫壇。思求厥路。恭承禋祀。縉縢為紛。黼黻周張。永神至尊。千童羅舞。成八溢。合好效歡。虞泰一九歌畢。奏斐然殊。鳴琴竽瑟。會軒朱璆。磬金鼓。靈其有喜。百官濟濟。各敬厥事。盛牲實俎。進聞膏神。奄留臨須。搖長麗弄。揆光耀明。寒暑不忒。況皇章展。詩應律銷。玉鳴函宮。吐角激徵。清發梁揚。羽申以商。造茲新音。永久長聲。氣遠條鳳。鳥鵲神。夕奄虞蓋孔享。天地

太一況。天馬下。霑赤汗。沫流赭。志倣儻。精權奇。簡浮雲。睭上馳。體容與。逝萬里。今安匹龍為友。元狩三年天馬歌

天馬徠從西極涉流沙。九夷服。天馬徠出泉水。虎脊兩化若鬼。天馬徠歷無草徑千里。循東道。天馬徠執徐時。將搖舉。誰與期。天馬徠開遠門。竦予身。逝昆侖。天馬徠龍之媒。游閭闔。觀玉臺。太初四年天馬歌。

天門開。誅蕩蕩。穆竝騁。以臨饗。光夜燭。德信著。靈浸平。而鴻長。生豫大。朱涂廣。夷石為堂。飾玉梢。以舞歌。體招搖。若永望。星留俞。塞隕光照紫。幄珠煩黃。幡比翅。回集貳。雙飛常羊。月穆穆。以金波。日華耀。以宣明。假清風。軋忽激。長至重。鵠神裴。回若留。放殢。冀親以肆。章函蒙。社復常。若期宋。滂上天。知厥時。泛泛滇滇。從高旂。殷勤此路。臚所求。佻正嘉。吉宏以昌。休嘉殫。隱溢四方。專精厲。意逝九閼。紛云六幕。浮大海。天門。

景星顯見。信星彪列。象載昭庭。日親以察。參侔開闔。爰推本紀。汾睢出鼎。皇祐元始。五音六律。依韋饗昭。禘變竝會。雅聲遠姚。空桑琴瑟。結信成。四興遞代。八風生。殷殷鐘石。羽籥鳴。河龍供鯉。醇犧牲。百末旨酒。布蘭生。泰尊柘漿。析朝醒。微感心。攸通脩名。周流常羊。思所并。穰穰復正直。往甯。馮螭切和。疏寫平。上天布施。后土成穰。穰豐年四時榮。景星。

齋房產草。九莖連葉。宮童効異。披圖案謀。元氣之精。回復此都。蔓蔓日茂。芝成靈華。

齋房

后皇嘉壇。立元黃服。物發冀州。兆蒙祉福。沈沈四塞。假狄合處。經營萬億。咸遂厥宇。

后皇

華燁燁。固靈根。神之祚。過天門。車千乘。敦昆侖。神之出。排玉房。周流雜。拔蘭堂。神之
行。旌容容。騎沓沓。般從從。神之傑。泛翊翊。甘露降。慶雲集。神之掄。臨壇宇。九疑賓。變
龍舞。神安坐。鷄吉時。共翊翊。合所思。神嘉虞。申貳觴。福滂洋。邁延長。沛施祐。汾之阿。
揚金光。橫泰河。莽若雲。增陽波。徧臚歡。騰天歌。華燁燁

五神相。包四鄰。土地廣。揚浮雲。屹嘉壇。椒蘭芳。璧玉精。垂華光。益億年。美始興。交于
神。若有承。廣宣延。咸畢觴。靈輿位。偃蹇驤。卉汨臚。析矣遺。滛淥澤。汪然歸。五神
朝隴首。覽西垠。雷電爍。獲白麟。爰五止。顯黃德。圖凶虐。重鸞殛。闕流離。抑不詳。賓百
僚。山河饗。掩回轅。鬚長馳。騰雨師。洒路陂。流星隕。感惟風。爾歸雲。撫還心。朝隴首
象載瑜。白集西。食甘露。飲滎泉。赤雁集。六紛員。殊翁雜。五米文。神所見。施祉福。登蓬
萊。結無極。象載瑜

赤蛟綏。黃華蓋。露夜零。晝掩溢。百君禮。六龍位。勺椒漿。靈已醉。靈既享。錫吉祥。芒芒
極降嘉。鵠靈殷。殷爛揚光。延壽命。永未央。沓冥冥。塞六合。澤汪濊。輯萬國。靈稷稷。象

輿轍。票然逝。旗逶迤。禮樂成。靈將歸。託元德。長無衰。赤蛟。

高祖夫人唐山氏

安世房中歌十七章

大孝備矣。休德昭清。高張四縣。樂充宮庭。芬樹羽林。雲景杳冥。金支秀華。庶旒翠旌。七始華始。肅倡和聲。神來晏娒。庶幾是聽。粥粥音送。細齊人情。忽乘青元。熙事備成。清思眈眈。經緯冥冥。

我定歷數。人告其心。敕身齊戒。施教申申。乃立祖廟。敬明尊親。大矣孝熙。四極爰轉。王侯秉德。其鄰翼翼。顯明昭式。清明嗇矣。皇帝孝德。竟全大功。撫安四極。

海內有姦。紛亂東北。詔撫成師。武臣承德。行樂交逆。簫勺羣應。肅為濟哉。蓋定燕國。大海蕩蕩。水所歸。高賢愉愉。民所懷。太山崔。百卉殖。民何貴。貴有德。

安其所。樂終產。樂終產。世繼緒。飛龍秋。游上天。高賢愉。樂民人。豐草蔓。女蘿施。善何如。誰能回。大莫大。成教德。長莫長。被無極。

雷震震。電耀耀。明德鄉。治本約。治本約。澤宏大。加被寵。咸相保。德施大。世曼壽。

都荔遂芳。宵宸桂華。孝奏天儀。若日月。九秉元。四龍回。馳北行。羽旄殷盛。芬哉芒芒。孝道隨世。我署文章。

馮馮翼翼。承天之則。吾易久遠。燭明四極。慈惠所愛。美若休德。杳杳冥冥。克綽厥福。磴磴即即。師象山則。烏呼孝哉。案撫戎國。蠻夷竭歡。象來致福。兼臨是愛。終無兵革。嘉薦芳矣。告靈饗矣。告靈既饗。德音孔臧。惟德之臧。建侯之常。承保天休。令問不忘。皇皇鴻明。蕩侯休德。嘉承天和。伊樂厥福。在樂不荒。惟民之則。浚則師德。下民咸殖。令問在舊。孔容翼翼。漢書自浚則以下別為一軀

孔容之常。承帝之明。下民之樂。子孫保光。承順溫良。受帝之光。嘉薦令芳。壽攸不忘。承帝明德。師象山則。雲施稱民。永受厥福。承容之常。承帝之明。下民安樂。受福無疆。班固

郊祀靈芝歌

因靈寢兮產靈芝。象三德兮瑞應圖。延壽命兮光此都。配上帝兮象太微。參日月兮揚光輝。

王桀

俞兒舞歌四首

漢初建國家。匡九州。蠻荆震服。五刃三革休。安不忘備。武樂脩。宴我賓師。敬用御天。永樂無憂。子孫受百福。常與松喬游。庶庶德。莫不成歡柔。牙俞新福。

材官選士。劍弩錯陳。應桴蹈節。俯仰若神。綏我武烈。篤我淳仁。自東自西。莫不來賓。
弩俞新福

武功既定。庶士咸綏。樂陳我廣庭。式宴賓。與師昭文德。宣武威。平九有。撫民黎。荷天
寵。延壽尸千載。莫我違。安臺新福

神武用師。士素厲。仁恩廣被。猛節橫逝。自古立功。莫我宏。大桓桓。征四國。爰及海裔。
漢國保長慶。垂祚延萬世。行辭新福

魏繆襲

鼓吹曲十二首全

初之平。義兵征神武。奮金鼓。鳴邁武德。揚洪名。漢室微社稷。傾皇道。失桓與靈。奄官
熾。群雄爭邊韓。起亂金城。中國擾。無紀經。赫武皇。起旂旌。麾天下。天下平。濟九州。九
州寧。勅武功。武功成。越五帝。邈三王。興禮樂。定紀綱。普日月。齊輝光。初之平

戰榮陽。汲水陂。戎士憤怒。貫甲馳陳。未成退徐。榮二萬騎。塹壘平。戎馬傷。六軍驚。勢
不集。眾幾傾。白日沒。時晦冥。顧中牟。心屏營。同盟疑計無成。賴我武皇。萬國寧。戰
榮陽。獲呂布。戮陳宮。芟夷鯨鯢。驅騁群雄。囊括天下。運掌中。獲呂布
克紹官渡。由白馬。殭尸流血。被原野。賊眾如犬羊。王師尚寡。沙塹旁。風飛揚。轉戰不

利士卒傷。今日不勝後何望。土山地道不可當。卒勝大捷震冀方。屠城破邑神武遂章。克官渡。

舊邦蕭條心傷悲。孤魂翩翩當何依。游士戀故涕如摧。兵起事大令願違。傳求親戚在者誰。立廟置後魂來歸。舊邦。

定武功。濟黃河。河水湯湯。旦莫有橫流波。袁氏欲衰。兄弟尋干戈。決漳水。水流滂沱。嗟城中。如流魚。誰能復顧室家計。窮慮盡。來求連和。和不時。心中憂戚。賊眾內潰。君臣奔。北拔鄴城。奄有魏國。王業艱難。覽觀古今。可為長歎。定武功。屠柳城。功誠難。越度隴塞。路漫漫。北踰岡平。但聞悲風正酸。踴頓授首。遂登白狼山。神武熱海外。永無北顧患。屠柳城。

南荆何遼遼。江漢濁不清。菁茅久不貢。王師赫南征。劉琮據襄陽。賊備屯樊城。六軍廬新野。金鼓震天庭。劉子面縛至。武皇許其成。許與其成撫其民。陶陶江漢間。永普為大魏臣。大魏臣向風思自新。思自新。齊功古人在。昔虞與唐。大魏得與均。多選忠義士為喉脣。天下一定。萬世無風塵。平南荆。

平關中。路向潼。濟濁水。立高墉。鬥韓馬。離群凶。選驍騎。縱兩翼。虜崩潰。沒萬億。平關中。

應帝期。於昭我文皇。歷數承天序。龍飛自許昌。聰明昭四表。恩德動遐方。星辰為垂耀。日月為重光。河洛吐符瑞。草木挺嘉祥。麒麟步郊野。黃龍游津梁。白虎依山林。鳳皇鳴高岡。攷圖定篇籍。功配上古義。皇羲皇無遺文。仁聖相因循。期運三千歲。一生聖明君。堯授舜萬國。萬國皆附親。四門為穆穆。教化常如神。大魏興聖。與之為鄰。

應帝期

邕。熙君臣念德。天下治。登帝道。獲瑞寶。頌聲竝作。洋洋浩浩。吉日臨高堂。置酒列名倡。歌聲一何紆。餘襟笙簧八音諧。有紀綱。子孫永建。萬國壽攷樂無央。邕熙。

曹植

輦舞歌

序曰。漢靈帝西園鼓吹。有李堅者。能輦舞。遭亂西隨段熲。先帝聞其舊有技。召之。堅既中廢。兼古曲多謬誤。故改作新歌五篇。

大魏應靈符。天祿方甫始。聖德致泰和。神明為驅使。左右宜供養。中殿宜皇子。陛下長壽攷。群臣拜賀咸悅喜。積善有餘慶。寵祿固天常。眾喜填門至。臣子蒙福祥。無患及陽遂。輔翼我聖皇。眾吉咸集會。凶邪姦惡並滅亡。黃鵠游殿舟。神鼎周四阿。玉馬充乘輿。芝蓋樹九華。白虎戲西除。舍利從辟邪。騏驎躡足舞。鳳皇拊翼歌。豐年大置。

酒。玉尊列廣庭。樂飲過三爵。朱顏暴已形。式宴不違禮。君臣歌鹿鳴。樂人舞擊舞。百官雷抃讚。若驚。儲禮如江海。積善若邱山。皇嗣繁且熾。孫子列曾元。群臣咸稱萬歲。陛下長壽樂萬年。御酒停未飲。貴戚跪東廂。侍人承顏色。奉進金玉觴。此酒亦真酒。福祿當聖皇。陛下臨軒笑。左右咸歡康。栢來一何遲。群僚以次行。賞賜屢千億。百官竝富昌。大魏篇

精微爛金石。至心動神明。杞妻哭死夫。梁山為之傾。子丹西質秦。烏白馬角生。鄰行囚燕市。繁霜為夏零。關東有賢女。自字蘇來卿。壯年報父仇。身沒垂功名。女休逢赦書。百刃幾在頸。俱上列仙籍。去死獨就生。太倉令有罪。遠徵當就拘。自悲居無男。禍至無與俱。緹縈痛父言。荷担西上書。盤桓北闕下。泣淚何連如。乞得并姊弟。沒身贖父軀。漢文感其誼。肉刑法用除。其父得以免。辯義在列圖。多男亦何為。一女足成居。簡子南渡河。津吏廢舟船。執法將加刑。女媚攬機弄。妾父聞君來。將涉不測淵。畏懼風波起。禱祝祭名山。備禮饗神祇。為君求福先。不勝醢祀誠。至令犯罰艱。君必欲加誅。乞使知罪僞。妾願以身代。至誠感蒼天。國君高其義。其父用赦原。河激奏中流。簡子知其賢。歸聘為夫人。榮寵超後先。辯女解父命。何況健少年。黃初發和氣。明堂德教施。治道致太平。禮樂風俗移。刑錯民無枉。怨女復何為。聖皇長壽攷。景福常來儀。

精微篇

孟冬十月。陰氣厲清。武官誡田。講旅統兵。元龜襲吉。元光著明。蚩尤蹕路。風弭雨停。
乘輿啟行。鸞鳴幽軋。虎賁采騎。飛象珥鷁。鐘鼓鏗鏘。蕭管嘈囋。萬騎齊鑣。千乘等蓋。
夷山填谷。平林滌藪。張羅萬里。盡其飛走。趙趙狡兔。揚白跳翰。獵以青骹。掩以脩竿。
韓盧宋鵲。呈才騁足。噬不盡縲。牽縻倚鹿。魏氏發機。養基撫弦。都盧尋高。搜索猴蜺。
慶忌孟賁。蹈谷超巖。張目眈眈。髮怒穿冠。頓熊扼虎。蹴豹搏貙。氣有餘勢。負象而趨。
獲車既盈。日側樂終。罷役解徒。大饗離宮。亂曰。聖皇臨飛軒。論功校獵徒。死禽積如
京。流血成溝渠。明詔大勞賜。大官供有無。走馬行酒醴。驅車存肉魚。鳴鼓舉觴爵。擊
鐘醕無餘。絕網縱麟麇。弛罩出鳳雛。收功在羽校。威靈振鬼區。陛下長懽樂。永世合
天符。孟冬篇

吳章昭

鼓吹曲十二首

炎精缺。漢道微。皇綱弛。政德違。眾姦熾。民罔依。赫武烈。越龍飛。陟天衢。耀靈威。鳴雷
鼓。抗電麾。撫乾衡。鎮地機。厲虎旅。騁熊羆。發神聽。吐英奇。張角破。邊韓羈。苑賴平。南
土綏。神武章。渥澤施。金聲震。仁風馳。顯高門。啟皇基。統罔極。垂將來。炎精缺

暫操北伐拔柳城。乘勝席卷遂南征。劉氏不睦。八郡震驚。眾既降。操屠荆。舟車十萬。揚風聲。議者狐疑。慮無成。賴我大皇發聖明。虎臣雄烈。周與程。破操烏林。顯章功名。伐烏林。

秋風揚沙塵。寒露霑衣裳。角弓持弦急。鳩鳥化為鷹。邊垂飛羽檄。寇賊侵界疆。跨馬披介冑。慷慨懷悲傷。辭親向長路。安知存與亡。窮達固有分。志士思立功。思立功。要之戰場身逸獲。高賞身沒有遺封。秋風。

關背德。作鴟張。割我邑城圖不祥。稱兵北伐。圍樊襄陽。嗟臂大於股。將受其殃。巍巍夫聖主。睿德與元通。與元通。親任呂蒙。汎身洪汜池。溯涉長江。神武一何桓桓。聲烈正與風翔。歷撫江安城。大據鄴邦。虜羽授首。百蠻咸來同。盛哉三五比隆。關背德。荆門限巫山。高峻與雲連。變夷阻其險。歷世懷不賓。漢王據蜀郡。崇好結和親。乖微中情疑。讒夫亂其間。大皇赫斯怒。虎臣勇氣震。蕩滌幽藪。討不恭。觀兵揚炎燿。厲鋒整封疆。整封疆。闡揚威武。容功赫戲。洪烈炳章。邈矣帝皇。世聖吳同厥。風荒裔望清。化。恢宏煌煌。大吳延祚永未央。通荆門。

章洪德。邁威神。感殊風。懷遠鄰。平南裔。齊海濱。越裳貢。扶南臣。珍貨充庭。所見日新。

承天命。於昭聖德。三精垂象。符靈表德。巨石立。九穗植。龍金其鱗。烏赤其色。壤人歌
億夫歎。息超龍升。襲帝服。窮馮懿。體元默。夙興臨朝。勞謙日昃。易簡以崇仁。放遠讒
與惡。舉賢才。親近有德。均田疇。茂稼穡。審法令。定品式。攷功能。明黜陟。人思自盡。惟
心與力。家國治。王道直。思我帝皇。壽萬億。長保天祿。祚無極。 承天命

晉傳玄

天地郊明堂歌

整泰壇。禮皇神。精氣感。百靈賓。蓋朱火。燎芳薪。紫烟游。冠青雲。神之體。靡象形。曠無
方。幽以清。神之來。光景照。聽無聞。視無兆。神之至。舉歆歆。靈爽協。動余心。神之坐。同
歡娛。澤雲翔。化風舒。嘉樂奏。文中聲。八音諧。神是聽。咸絜齊。竝芬芳。烹牲牲。享玉觴。
神悅饗。歆裡祀。佑大晉。降繁祉。祚京邑。行四海。保年窮地紀。 天郊饗神歌
整泰邱。竢皇祇。眾神感。群靈儀。陰祀設。吉禮施。夜將極。時未移。祇之體。無形象。潛泰
幽洞。忽荒祇之出。夢若有。靈無遠。天下母。祇之來。遺光景。昭若存。終冥冥。祇之至。舉
欣欣。舞象德。歌成文。祇之坐。同歡豫。澤雨施。化雲布。樂八變。聲教敷。物咸亨。祇是娛。
齊既絜。侍者肅。玉觴進。咸穆穆。饗嘉蓂。歆德馨。祚有晉。既群生。溢九壤。格天庭。保萬
壽。延億齡。 地壇饗神歌

四廂樂歌

天命大晉。載育群生。於穆上德。隨時化成。自祖配命。皇皇后辟。繼天勗業。宣文之績。丕顯宣文。先知稼穡。克恭克儉。足教足食。既教食之。宏濟艱難。上帝是佑。下民所安。天佑聖皇。萬邦來賀。雖安勿安。乾乾匪暇。乃正邱郊。乃定冢社。虞虞作宗。光宅天下。惟敬朝饗。爰奏食舉。盡禮供御。嘉樂有序。樹羽設業。笙鏞以間。琴瑟齊列。亦有箎塤。嗶嗶鼓鐘。鎗鎗磬管。八音克諧。載夷載簡。既夷既簡。其大不禦。風化潛興。如雲如雨。如雲之覆。如雨之潤。聲教所暨。無思不順。教以化之。樂以和之。和而養之。時惟邕熙。禮慎其儀。樂節其聲。於鑠皇繇。既和且平。食舉東西廂歌。

鼓吹曲二十二首

宣受命。應天機。風雲時動。神龍飛。禦諸葛。鎮邕梁。邊境安。夷夏康。務節事。勤定傾。攬英雄。保持盈。淵穆穆。赫明明。冲而泰。天之經。養威重。運神兵。亮乃震。覽天下寧。宣受命。文皇統百揆。繼天理萬方。武將鎮四隅。英佐盈朝堂。謀言協秋蘭。清風發其芳。洪澤所溥潤。礫石為圭璋。大道侔五帝。盛德踰三王。威光大。上參天。與地至。化無內外。無內外。六合竝康乂。竝康乂。遺茲嘉會。在昔羲與農。大晉德斯邁。鎮征及諸州。為蕃衛。元功濟四海。洪烈流萬世。文皇統百揆。

惟庸蜀僭號天一隅。劉備逆帝命。禪亮承其餘。攤眾數十萬。闕隙承我虛。驛騎進羽檄。天下不遑居。姜維屢寇邊。隴上為荒蕪。文皇愍斯民。歷世受罪辜。外謨藩屏臣。內謀眾士夫。爪牙應指授。腹心獻良圖。良圖協成文。大興百萬軍。雷鼓震地起。猛勢陵浮雲。逋虜畏天誅。面縛造壘門。萬里同風教。逆命稱妾臣。光建五等綱。紀天人。惟庸蜀

於穆我皇。盛德聖且明。受禪君世。光濟群生。普天率土。莫不來庭。顯顯六合內。望風仰泰清。萬國雖雖興。頌聲大化洽。地平而天成。七政齊。玉衡惟平。峨峨佐命。濟濟群英。夙夜乾乾。萬幾是經。雖治興。匪荒寧。謙道光冲。不盈天地合德。日月同榮。赫赫煌煌。耀幽冥。三光克從。於顯天垂景星。龍鳳臻。甘露宵零。肅神祇祇上靈。萬物欣戴。自天效其成。於穆我皇

唐堯諮務成。謙謙德所興。積漸終光大。履霜致堅冰。神明道自然。河海猶可疑。舜禹統百揆。元凱以次升。禪讓應天歷。睿聖世相承。我皇陟帝位。平衡正準繩。德化飛四表。祥氣見其徵。興王坐俟旦。亡主怙自矜。致遠由近始。覆簣成山陵。披圖按先籍。有其澄靈液。唐堯

元雲起邱山。祥氣萬里會。龍飛何蜿蜒。鳳翔何翩翩。昔在唐虞朝。時見青雲際。今親

游萬國。流光溢天外。鶴鳴在後園。清音隨風邁。成湯隆顯命。伊摯來如飛。周文獵渭濱。遂載呂望歸。符合如影響。先天弗違。輟耕綜時綱。解褐矜天維。元功配二王。芬馨世所稀。我皇敘群才。洪烈何巍巍。桓桓征四表。濟濟理萬機。神化感無方。髦才盈帝畿。玉顯惟昧旦。日新孔所咨。茂哉明聖德。日月同光輝。元雲

伯益佐舜禹。職掌山與川。德侔十六相。思心入無間。智理周萬物。下知衆鳥言。黃雀應清化。翔集何翩翩。和鳴棲庭樹。裴回雲日間。夏桀為無道。密罔施山河。酷祝振纖罔。當奈黃雀何。殷湯崇天德。去其三苗羅。逍遙群飛來。鳴聲乃復和。朱雀作南宿。鳳皇統羽群。赤鳥銜書至。天命瑞周文。神雀今來游。為我受命君。嘉祥致天和。膏澤隆青雲。蘭風發芳氣。闔世同其芬。伯益

釣竿何冉冉。甘餌芳且鮮。臨川運思心。微綸沈九淵。太公寶此術。乃在靈祕篇。機變隨物移。精妙貫未然。游魚驚著釣。潛龍飛戾天。戾天安所至。撫翼翔太清。太清一何異。兩儀出渾成。王衡正三辰。造化賦群形。退願輔聖君。與神合其靈。我君宏遠略。天人不足并。天初并時。昧昧何芒芒。日月有徵兆。文象興三皇。蚩尤亂生民。黃帝用兵征。萬方逮夏禹。而德衰。三代不及虞。與唐我皇聖德配堯舜。受禪即祚享天祥。率土蒙祐靡不肅。庶事康。庶事康。穆穆明明荷百祿。保無極。永太平。釣竿